

¡BOMBA!

Se necesita más *punch* para el sureste crecer
¿O queremos ese *lunch*, que es apuesta por placer?



K'uintsil

Edición de fin de semana, del viernes 20 al domingo 22 de mayo de 2022

CAMPECHE · YUCATÁN · QUINTANA ROO · AÑO 7 · NÚMERO 1740 · www.lajornadamaya.mx

KUSAM, KOSOM U CHÍIKULAL COZUMEL



Kusam, wa kosome' (*Hirundo Rustica*), u chíikulal Cozumel, ba'ale' óoli' je'el tu'uxak ti' U Petenil Yucatán ku yila'al. Yóok'lale', tsikbaltaj Ruben Chacón, máax jo'olbesik u jaats meyajil kanan kuxtal ichil u múuch'kabil Fundación de Parques y Museos de Cozumel, ka tu ya'alaje' yaan wakp'éel u jejeláasil le chíich'a', ts'o'okole' u ya'abile' ku yila'al te'e petenila'. Kamp'éel ti' le je'elo'obo' ku máano'ob xik'náal tak ti' uláak' táanxel lu'umo'ob, je'el bix América, África yéetel Asia.

Tu tsolaje', jejeláas tu'ux ku kuxtal, ba'ale' uts tu yich jáal ja' yéetel je'el tak u k'uchul u beetik u k'u' ti' nu'ukulo'ob beeta'an tumen wíinik. Ma' sajbe'entsil yanik u ch'éejeli', ba'ale' ba'ax beetik u p'íttale' leti'

u seen k'a'abéetkunsa'al kiimikos ti'al u kíinsa'al ik'elo'ob, tumen leti' ku jaantiko'ob.

Chichan le chíich'a', u xiibile' ku p'isik ichil 14.6 yéetel 19.9 cms u chowakil, tu'ux táaka'an xan u nej ku p'isik ichil 2 tak 7 cms; u xch'uupulile' óoli' beey xan u p'isio', chéen ba'axe' u k'u'ukmel u neje' ool maas kóomtak, u ch'o'ojil u paach yéetel u t'o'oil u tseeme' ma' tu jach léembal. Ichil u winalil mayo tak agosto ku ya'abtalóob, ba'ale' ku k'expajal je'el bix u k'éexel tu'ux kaja'an.

U petenil Cozumele' k'ajóolta'an beey u lu'umil kusamo'ob, tumen ti' ku jach ila'ali', ti' kaja'ani', ti' xan ku janali' yéetel ti' ku beetik u k'u' tu'ux ku yantal uláak'óobi'. Kéen káajak u kóojolo'ob te'elo', ku yila'al u múuch'ilo'ob chíich' ku máan u xik'náalo'obi'.

MIGUEL AMÉNDOLA
OOCHEL ROBB HANNAWACKER

ESPECIAL: FAUNA NUESTRA | P. 44 TAK 46